



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-308-15/18
Datum: 21.03.2018.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 20.03.2018.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za usluge u predmetu nabavke "Vršenje bankarskih usluga za 2018., 2019., 2020. i 2021.godinu" je za:

Lot 1 - Pružanje usluga platnog prometa u zemlji i sa inostranstvom i vođenje depozitnog računa, po cijeni od od 14.300,00KM (slovima:četnaesthiljadatristotine i 00/100 konvertibilnih maraka) bez PDV-a je ponuda ponuđača ADDIKO BANK DD Sarajevo.

Lot 2 - Vođenje računa namjenskih sredstava sa platnim prometom u zemlji, po cijeni od 1.202,00KM (slovima:jednahiljaddvjestotinedvije i 00/100konvertibilnih maraka) bez PDV-a je ponuda ponuđača ADDIKO BANK DD Sarajevo.

II

Ponuda je dostavljena u konkurentskom zahtjevu za dostavu ponuda, sa podjelom na lotove i sa ciljem zaključivanja okvirnog sporazuma na 4 godine koji je objavljen na Portalu javnih nabavki dana 15.02.2018.godine pod brojem: 375-7-2-29-3-24/18, kriterij za dodjelu ugovora je najniža cijena.

III

Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponude SBERBANKE BH DD Sarajevo, UniCredit Banke DD Mostar, PRIVREDNE BANKE SARAJEVO DD Sarajevo i ponuda SPARKASSE bank DD BiH za Lot-2 se odbacuju iz razloga što ponuđači uz ponude nisu dostavili traženu dokumentaciju kako je to propisano tenderskom dokumentacijom, te su iste ocijenjena kao formalno neispravna.

V

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Postupak javne nabavke za usluge "Vršenje bankarskih usluga za 2018., 2019., 2020. i 2021.godinu" pokrenut je Odlukom o pokretanju postupka broj:02-49-1-308-2/18 od 13.02.2018.godine. Odabran je konkurentski zahtjev za dostavu ponuda, sa podjelom na lotove (dva lota) i sa ciljem zaključivanja okvirnog sporazuma na 4 godine, koji je objavljen na Portalu javnih nabavki dana 15.02.2018.godine pod brojem: 375-7-2-29-3-24/18, procijenjena vrijednost javne nabavke je 36.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristiglo je 6 (šest) ponuda i to: ponuda SBERBANK BH DD Sarajevo, ponuda UniCredit Bank DD Mostar, ponuda VAKUFСКА BANKA DD Sarajevo, ponuda SPARKASSE bank DD BiH, ponuda PRIVREDNA BANKA SARAJEVO DD Sarajevo i ponuda ADDIKO BANK DD Sarajevo.

Komisija za javne nabavke imenovana rješenjem Općinskog Načelnika broj: 02-49-1-308-5/18 od 27.02.2018.godine izvršila je dana 09.03.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravno (sadržajno kompletne i ispravnog sadržaja), i to ponude VAKUFСКА BANKA DD Sarajevo i ADDIKO BANK DD Sarajevo za Lot-1 i Lot-2 a ponuda SPARKASSE bank DD BiH za Lot-1, i da se kao takve mogu ocjenjivati u skladu sa zahtjevom za dostavu ponuda.

U svrhu dokazivanja da ispunjavaju uslove za primjenu preferencijalnog tretmana domaćeg ponuđači su bili dužni uz ponudu dostaviti: - original ili ovjerenu kopiju dokumenta (Potvrdu PIO/MIO o broju zaposlenih u 2018.godini ili druge nadležne institucije) kao dokaz da najmanje 50% radne snage za izvršenje ugovora su rezidenti Bosne i Hercegovine, i - Izjavu potpisanu i ovjerenu od strane ponuđača o broju zaposlenih lica u 2018.godini. Ponuđači VAKUFСКА BANKA DD Sarajevo i PRIVREDNA BANKA SARAJEVO DD Sarajevo nisu uz ponudu dostavili traženi dokument za preferencijalni tretman domaćeg, odnosno nisu dostavili " Izjavu potpisanu i ovjerenu od strane ponuđača o broju zaposlenih lica u 2018.godini" propisanu tačkom 3.8.1. tenderske dokumentacije, te Komisija na ponudu VAKUFСКА BANKA DD Sarajevo nije primjenila pravila preferencijalnog tretmana domaćeg, te je nastavljen postupak u pravcu zakazivanja E-aukcije jer je tenderskom dokumentacijom i predviđena E-aukcija.

Tačkom 1.6. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude te je ugovorni organ zakazao E-aukcija za Lot-1 dan 19.03.2018.godine od 12:00 sati sa vremenskim trajanjem od 10 (deset) minuta a za Lot-2 za dan 19.03.2018.godine od 13:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 19.03.2018.godine (koji je u predmetu spisa) vidljivo je da ADDIKO BANK DD Sarajevo kao ponuđač za Lot-1 i Lot-2 zauzima prvo mjesto na Konačnoj listi ponuđača koji su učestvovali u E-aukciji te je ugovorni organ iz Izvještaja o toku i završetku E-aukcije preuzeo Konačnu listu ponuđača po lotovima kako slijedi:

Lot-1

1. ADDIKO BANK DD Sarajevo
2. SPARKASSE bank DD BiH
3. VAKUFСКА BANKA DD Sarajevo

Lot-2

1. ADDIKO BANK DD Sarajevo
2. VAKUFСКА BANKA DD Sarajevo

Komisija je kod ocjene ponuda takođe utvrdila da 3 (tri) ponude nisu formalno ispravno i da ne sadrže dokumentaciju (uopšte ili u formi kako je traženo tenderskom dokumentacijom) koja je tražena tenderskom dokumentacijom kako slijedi:

Ponuda SBERBANKE BH DD Sarajevo ne sadrži Dozvolu/ovlaštenje za obavljanje unutrašnjeg platnog prometa najmanje srednjeg nivoa rizika predviđenu tačkom 3.4. pod e) tenderske dokumentacije;

Ponuda UniCredit Banke DD Mostar sadrži Potvrdu banke kod koje ponuđač ima otvoren transakcijski račun za poslovanje da račun nije blokiran u posljednjih 6 (šest) mjeseci (Potvrda

UniCredit Bank broj:04-1-1490-12/18 od 05.03.2018.godine) a Tačkom 2.3. tenderske dokumentacije propisano je da u svrhu dokazivanja uslova iz člana 47. Zakona o javnim nabavkama ponuđač je dužan uz ponudu dostaviti: - običnu kopiju Potvrde banke kod koje ponuđač ima otvoren GLAVNI RAČUN za poslovanje (na potvrdi naznačiti da se radi o glavnom računu za poslovanje), da račun nije blokiran u posljednjih 6 (šest) mjeseci. Iz dostavljenih potvrda uz tendersku dokumentaciju nije vidljivo da li se radi o Glavnom računu za poslovanje; Takođe ponuda UniCredit Banke DD Mostar ima formalni nedostatak odnosno ista nije dostavljena na način kako je to predviđeno tačkom 5.5. tenderske dokumentacije. Naime tačkom 5.5 tenderske dokumentacije je propisano da "Ponuđač koji dostavlja ponudu za više lotova ima pravo da izjave o ispunjavanju uslova za kvalifikaciju da ispunjava uslova iz člana 45. Zakona i dokaz o registraciji, sa pripadajućim izjavama dostavi u jednoj koverti/ponuda, prvoj po rednom broju lota na koji se prijavljuje, iz razloga što se u konkretnoj nabavci ne traže po lotovima različiti uslovi u vezi sa ekonomskom i finansijskom sposobnošću, odnosno profesionalnom i tehničkom sposobnošću.

Finansijski dio ponude za ostale lotove na koje se prijavljuje dostavlja u posebnim kovertama na kojima mora biti naznačeno na koji lot se ponuda odnosi", ponuđač UniCredit Bank DD Mostar finansijski dio ponude za Lot-2 dostavila je zajedno sa dokumentacijom i finansijskim dijelom ponude za Lot-1.

Ponuda PRIVREDNE BANKE SARAJEVO DD Sarajevo ne sadrži Dozvolu/ovlaštenje za obavljanje unutrašnjeg platnog prometa najmanje srednjeg nivoa rizika predviđenu tačkom 3.4. pod e) tenderske dokumentacije; Takođe ponuda PRIVREDNE BANKE SARAJEVO DD Sarajevo sadrži Potvrdu banke kod koje ponuđač ima otvoren transakcijski račun za poslovanje da račun nije blokiran u posljednjih 6 (šest) mjeseci (Izjava PRIVREDNE BANKE SARAJEVO broj:03-07-1-2046/18-5 od 08.03.2018.godine) a Tačkom 2.3. tenderske dokumentacije propisano je da u svrhu dokazivanja uslova iz člana 47. Zakona o javnim nabavkama ponuđač je dužan uz ponudu dostaviti: - običnu kopiju Potvrde banke kod koje ponuđač ima otvoren GLAVNI RAČUN za poslovanje (na potvrdi naznačiti da se radi o glavnom računu za poslovanje), da račun nije blokiran u posljednjih 6 (šest) mjeseci. Iz dostavljene potvrde uz tendersku dokumentaciju nije vidljivo da li se radi o Glavnom računu za poslovanje;

Ponuda SPARKASSE bank DD BiH ima formalni nedostatak odnosno ista nije dostavljena na način kako je to predviđeno tačkom 5.5. tenderske dokumentacije. Naime tačkom 5.5 tenderske dokumentacije je propisano da "Ponuđač koji dostavlja ponudu za više lotova ima pravo da izjave o ispunjavanju uslova za kvalifikaciju da ispunjava uslova iz člana 45. Zakona i dokaz o registraciji, sa pripadajućim izjavama dostavi u jednoj koverti/ponuda, prvoj po rednom broju lota na koji se prijavljuje, iz razloga što se u konkretnoj nabavci ne traže po lotovima različiti uslovi u vezi sa ekonomskom i finansijskom sposobnošću, odnosno profesionalnom i tehničkom sposobnošću.

Finansijski dio ponude za ostale lotove na koje se prijavljuje dostavlja u posebnim kovertama na kojima mora biti naznačeno na koji lot se ponuda odnosi", ponuđač SPARKASSE bank DD BiH finansijski dio ponude za Lot-2 dostavila je zajedno sa dokumentacijom i finansijskim dijelom ponude za Lot-1 te je komisija za javne nabavke prihvatila ponudu samo za Lot-1 a ponuda za Lot-2 se smatra formalno neispravnom.

Ponude SBERBANKE BH DD Sarajevo, UniCredit Banke DD Mostar, PRIVREDNE BANKE SARAJEVO DD Sarajevo i SPARKASSE bank DD BiH za Lot-2 su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačene, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-49-1-308-14/18 od 20.03.2018.godine), da se u predmetu javne nabavke "Vršenje bankarskih usluga za 2018., 2019., 2020. i 2021.godinu", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge za Lot-1 i Lot-2 određuje ponuda ponuđača ADDIKO BANK DD Sarajevo, odnosno kako je to navedeno u tački I ove Odluke, te da se sa istim zaključi okvirni sporazum na 4 godine u skladu sa ponudom i postignutom cijenom na E-aukciji navedenog ponuđača za usluge predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač ADDIKO BANK DD Sarajevo za ponudenu cijenu na E-aukciji održanoj dana 19.03.2018.godine za

Lot-1 u iznosu bez PDV-a od 14.300,00KM (slovima:četnaesthiljadatristotine i 00/100 konvertibilnih maraka) a za Lot-2 u iznosu bez PDV-a od 1.202,00KM (slovima:jednahiljadadvjestotinedvije i 00/100konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x6,
2. Služba za finansije, privredu,
komunalne i inspeksijske poslove,
3. Web stranica općine Tešanj, elektronski,
4. Predmet.

Suad Huskić

OPĆINSKI NAČELNIK

Mr.sci. Suad Huskić